

鶴慶縣志

上卷九之

地 350.339

181
185012

鶴慶縣志

卷九之上

人物志申部

鄉賢申之一

卓行申之二

仕宦申之三

宦績申之四

鶴慶縣志卷九上

人物志 申部

鄉賢 申之一

卓行 申之二

仕宦 申之三

官績

申之四

儒林 申之五

文苑 申之六 邑人著述書

目附

將畧 申之七

武功 申之八

孝友 申之九

忠烈 申之十

獨行 申之十一

貨殖 申之十二

隱逸 申之十三

封贈 申之十四

耆壽 申之十五

五 鄉飲賓

申之十六

方技 申之十七

仙釋 申之十八

鄉賢 申之一

元

高憲直 世祖至元八年為本路總管十一年以進

義副尉知鶴州事十九年入覲陞授進校尉尉二十

一年再入覲加授昭信校尉知鶴慶府事二十三年



復為本路軍民總管三十年復入覲授宣武將軍加授明威將軍賞賚甚厚惠直生性廉明勤慎約已愛民創龜城培文教德行為眾所愛戴崇祀年代無考

明 高 賜 仕元為義兵萬戶洪武中歸附從征佛光寨招諭未附者以軍儲助餉授通安州同知世襲崇祀年代無考

趙 和 字達道正統間貢生任銅仁訓導嚴矩範飭條約首以孝弟立教訓誨有方人信愛之內艱服闋補四川建始訓導銅仁諸生上書乞還舊任許之又外艱服滿當別補銅人士又請之復報可凡三任銅仁士類多賴以成就監司皆稱為趙先生而不名致仕縣生徒泣送祀銅仁名宦崇祀年代無考

趙子禧 字慶夫和子天性孝友多才藝年十九中

成化丁酉舉人任臨安訓導克端模範秩滿試吏遷南陽府同知政蹟甚著卒於官入臨安南陽兩地祠祀著有碧莎生鳴二集嘉靖間崇祀

陸經 宏治壬戌進士累官南京兵部郎中賦性耿介嘗卻伊藩金帛以清正聞於時卒之日棺殮不具嘉靖間崇祀

朱珮 字鳴朝正德辛巳三甲傳臚任大理寺評事多平反冤獄出為貴州僉事調停驛傳民困以甦歷湖廣副使抑豪右增隄防擢廣東參政值盜起設謀禦之絕其汲道皆歸降又以計畧平定交南莫登庸之亂再遷陝西按察使乞休居鄉恂恂若未嘗為官者崇祀年代無考

趙德宏 字有容正德丙子舉人事父遠以孝聞父病剝為膏糞父歿於京邸德宏哀毀骨立徒跣偕傭

人肩柩以躐既葬廬墓三年有白犬護墳馴烏巢樹
之祥服闋任順慶府通判有疑獄德宏一訊立白遷
知潼川州贖鍰悉令輸粟貯倉得粟萬八千石後歲
大饑鄰邑道殣相望獨潼川得免又興建北城民不
知勞潼人為立祠祀勘滇蜀二省土夷爭界土官高
鵬餽金八百立邵之轉慶府左長史及歸行李蕭然
御史以聞為立孝廉坊郡人因名其里曰孝廉村嘉
靖間崇祀

楊諱懷玉

字孟溫性剛正細行必務以明經授四

川安岳縣丞居官清白縣人德之居三年喪疏食粗
衣不就內寢期功不赴宴會擯斥異端立會勸學鄉
人化焉嘉靖間崇祀

樊一魏

字松巖幼通敏嘉靖甲午舉人結廬朝霞

山潛心力學無仕進意家居二十年足不履公門巡

按嘗獎曰水蘖之操後為親貧出知良鄉縣有卓越
聲尋以疾改夔州府教授以身訓人士林德之卒於
官貧無以殮知府張廷相終其事著有夔府志朝霞
集等書嘉靖間崇祀

張宗載 字一寧萬曆癸未進士事母孝終身與昆
季同居任江津知縣值採山運餉諸大役事集而民
不擾土司楊應龍以兵萬人應調多虛額冒餉宗載
待其成列以實數詰之應龍驚服蠲重賦洗沉冤一
時依為父母後召入為御史數上封事豪貴斂手萬
曆間崇祀

吳堯弼 字宗聖萬曆丁丑進士選庶吉士改兵部
武選郎中出為貴州督學僉事嚴冒籍禁有直指某
庇其鄉人堯弼力與抗遂以他事中傷之廷議知堯
弼冤寢不行後補四川安綿兵備道時蕃夷滋擾堯

弼撫馭有方蕃夷誓不復反民賴以安居官二十載
家無厚產祀名宦其名見平臺賜銀幣酒饌紀恩詩
云縹緲絲綸下五雲平臺瑞氣正氤氳龍顏快向彤
庭覩天語親從黼座聞內帑競看中使送雕盤仍自
大官分絲來殊眷知難際惟使葵丹答聖君萬曆間
崇祀

查 偉 字警偉萬曆甲戌進士令富順蒞官剛正

慈惠持已馭民皆有規制所議鹽法悉準先哲裴公
管權條例至夫馬支給概行節省終不忍以供一已
者妨百姓也陞南直隸鳳陽府同知尋遷真定保寧
知府所至以廉明稱入為戶部郎中以陝西苑馬寺
卿致仕隸居鄉謙和人服其雅量著有文集天啓間
崇祀四川富順縣志載其任富順時修賴雅橋有縣
進士范懋和為之記並附錄之

范記 按邑腋兩江
而絡諸溪夫江巨流

勿論論谿稱巨曰錫曰真北賴雅並著溯彼故昔殆
 靈區哉肆久嶸為哲人貪憲何鍾戶部蕭公嘸起君
 增荒然近勒靈享連壁名錄此谿源上游桐口合武
 魏二谿豈為一乃谿畔岫排巒壁懸峻峙諸間谷滙
 馬每夏秋霖溢輒奔漲禁涉至信宿即涉亦多虞良
 亦艱哉惟茲孔道繇邑郊關北歷資中達錦省又折
 諸路徹達藩甚紛錯且方內廣吟除稠朋里甚克斥
 所會幾劇驂矣脫視其病涉弗之所死關政哉谿舊
 有橋視近永安橋僉憲何公先世所創建者稍勝焉
 頻亦圯壞一葺於邑侯正菴唐公再葺於若泰邱公
 然皆沿故制構木為之而與替固易環也噫有待哉
 歲甲戌邑查侯剖符至臨首咨邑政劇蠹興利百廢
 叙而理犁然亦視聽矣速丙子露車斯境慨故橋圯
 思飭之以誨僉憲之子何友誼友誼風受知即抵命
 資於侯將以永安創茲役也身任如其先侯曰茲政
 也寧貽私瘁哉亟捐祿貲凡二十金辨其亟且大者
 士民躍趨何友誼踵先獨與內江趙君鼎柱措之賞
 因是凡里之耆義輩並輸貲以應殆彙然集矣爰命
 沙彌承督役橋增制為洞口者三豈其高與廣稱之
 伐石如焉工且速竣直旦夕計噫侯動民信桴鼓哉
 不數月西剝驂視為康莊所濟方隅遠矣嘗謂宇內
 凡稱津路病涉者何多即余周遊所覩記未易一一
 數公家率畧焉罔飭此於政曷繫哉孟子與氏縵列
 國政以漆洧小鄭僑為憲彼以乘之漆洧非濟哉而
 故小之也及自為說以徒枉輿梁經諸歲隙豈好勞
 顧甘焉而大政匪茲罔垂永賴也侯其權大細而畫
 之政哉故仁人一體萬物以由已視天下溺肫肫然
 矧既以身寄斯民命興置惟斯其有濟蜀方隅限也

侯今濟者邑他日且濟字內翊聖世舟楫之治亦自一體之衷廓而盡非必別新運量也橋名賴雅從谿
余邑永安昭雄視矣侯自滇鶴川明進士起甲戌筮令
載祇命屬余記
余為接述如茲

彭富

字仲禮嘉靖壬戌進士授昆山知縣入為

戶兵二部主事出守紹興府以廉操薦入覲上慰勞
有加賜聯云帝近春常在官清樂有餘歷貴州參政
按察轉四川布政使所在以功德著擢貴州巡撫寬

和鎮靜夷漢帖然尋致仕歸疏食儉袍怡然自適性
剛介不妄言笑其令崑山日以增建新倉有歸太僕

有光為之記天啟間崇祀附錄歸有光崑山縣新倉

興造記

崑山舊玉峯倉在西門之外漕輓之積在焉
每歲稅入漕卒悉至於此領兌民間所謂西

倉也濟農倉在南門之內常平之粟在焉歲之豐凶
以為發歛民間所謂南倉也縣志云二倉蓋巡撫周
文襄公所改創焉然濟農之庾其定已久頃者倭奴
之警乃以城西之積歸之而濟農倉遂改為玉峯倉
鶴慶彭侯以進士知崑山因倉故址加恢拓之東至
於公館若干步始以園廩攢植致鬱攸之變於是德

艾前患與造新倉中為官廳左右互列凡若干楹一
 歲四十一萬四千五百石之糧悉儲於此蕞爾小縣
 可謂如茨如梁如坻如京矣是役也以民之掌稅者
 量其所掌之多寡區別以賦工以故上不費於官而
 下不及於民決旬而役用告成觀者歎息以侯之才
 敏而吾民之易使也如是抑古者垣窳倉庾之設以
 治年之豐凶凡萬民之食待施惠郵艱阨養孤老而
 已國家因前代常平義倉之法有四倉之制而歷世
 經紀豫備見之綸音者不一而足而因仍廢墜已久
 彭侯承兵荒之餘詔書趣辦義不得先公家之急
 雖有愛民之心宜亦未及乎此而濟農之名不可以
 沒也是用併識之侯名富為縣清廉勤敏於造事
 即此亦可以概見矣是歲嘉靖四十三
 年歲次甲子某月某日倉成九月某日記

楊提 字漸高萬曆戊子舉人授桂東知縣地苦

瘴人不知醫提置藥局所活甚眾邑賦歲飽奸胥提
 覆其久占者三人置之法弊始絕邑故無科目子矜

豪橫提教之向學士風始一變後遷西安府同知攝

渭南縣及鄠州事多惠政秦人德之卒於官提生平

讀書以體認為功學有體用相國李標為之傳天啟

閻崇祀

閔宗聖 字心遇萬曆壬午舉人郡伯延為館師毫
 不與外事有以重賄請託者正色拒之嘗置義田贍
 族又分其田以讓友時論高之署咸陽教諭盡心教
 士周卹孤寒擢授榮昌知縣多惠政大工掄才採運
 如數民不稱擾邑有大憝人莫敢撻宗聖置之法榮
 昌人大快會征楊應龍竭力王事卒於官宗聖家本
 裕反以官貧祀榮昌名宦崇禎間崇祀

楊應宿 字斗瞻天啟壬戌進士以戶部主事刺通
 州革陋規利轉運擢成都知府事必親裁芑苴頓絕

深獲士民心以親喪過毀歸尋卒崇禎間崇祀

按金鏡叢
 於己亥夏于役秀山客縣署趙階平同年所得讀明
 史紀事本末見先生於張江陵奪情事持論與吳趙
 諸君子稍異心竊疑之其後需次成都同鄉趙子驥
 家騏為言直課史館時館中書籍甚多偶閱四川通
 志見吾鄉斗瞻先生寔崇祀四川名宦志載有傳紀
 先生政績特詳曾鈔有一紙夾之書帙中用備異日
 吾鄉修志補入之用予嘉其用意之善乃作修志議
 甫起子驥即編尋檢未獲楊懋勛錫山與先生同里

巷表彰尤切疊函屬旅蜀鄉人鈔寄亦以郵政阻格
 不時至顧予閱備徵志載萬曆十八年減雲南貢金
 事知先生於服官省分祀名宦本籍祀鄉賢立身具
 有本末江陵奪情之持論與吳趙諸君子異亦猶大
 禮獄楊文襄之是張璉言意見偶殊不必其有意阿
 附也夫以一郎官與郡守而即能卓然有所樹立如
 是是為得以耳食之論少之哉雲南備徵志載泰昌
 即位巡撫沈做炳請減貢金奉上諭准蠲免二千兩
 初貢金之數原二千萬曆十八年特旨加三千兩在
 京任諸紳往白司徒郎中楊君應宿應宿唯唯諾且
 入言於大司農蒲阪楊公曰雲南增貢金事某職掌
 也當力爭楊公即令具疏上請有旨免一千兩曰再
 有續仍如數增大司徒謂彼此相傳姑無言竟以言
 者未已仍增為五千節經撫按請免不報至是俞撫

臣言

梁光祖 少二舉子業後棄去怡然自得周困乏不

惜傾囊為之陰行善事不以告人其子州彥以進士

令華陽每出廳即戒之曰克寬克仁故州彥治行皆

出義方之教為崇禎間崇祀

梁州彥 父光祖多陰德州彥以萬曆癸丑進士授

新繁知縣當路謂才浮於地遂調華陽華陽風稱劇

邑州彥視事百廢具興每大牒片言而折以治行卓
異入覲念親老乞隸養未竟厥施而卒天啟間崇祀

按春秋譏躋僖公謂為通祀以僖曾臣閔君臣大義
與父子並列三綱不能以雁行之兄弟壓也至父子
而同祀鄉賢則即不能以此例舊志列州彥於光祖
前豈不以光祖請准崇祀在後哉然子雖齊聖不先
父食子而位父之右於心斷然弗安况學以明倫鄉
賢祠之在學宮尤繫一鄉之覘視乎茲特改列州彥
於光祖後子為父屈天理之正即人心之所安意涉
降之靈當亦所樂受焉爾

趙捷 字習南萬曆壬午舉人初任宜良教諭擢

國子助教出為端州府同知攝高安縣篆時有大牒
株連數十人前任阿上官意羅織成獄捷止坐殺人
者餘杖釋之上官不可捷力爭曰殺人以媚人死不
為也上官銜之會遷長史遂致仕隸有祖德宏風焉

崇禎間崇祀

李鳳翀 字干霄丁酉選貢以子庚戌進士聞詩貴

贈中憲大夫里中受經門下者甚眾會詔舉經明行

修之士神與選自北雍歸以德行文章誨子弟為人
以正自持衾影無愧人不忍欺周親族之貧乏者尤
喜割地掩骼允孚月旦崇禎間崇祀

史紀棟

萬曆辛卯舉人任潮州府同知崇禎間崇

祀

讓朝

彭嘉肩

武進士任都指揮使順治己丑年崇祀

高藩臣

字衛陽由諸生襲千夫長世職安奢交訖

奉檄助剿論功獎授武畧將軍誥封天啟間從征曲

靖霑益雲龍等地方升授指揮僉事崇禎元年十年

先後擒斬苗逆誥授驃騎將軍生平施藥濟渠人懷

其惠順治乙未年崇祀

奚元綬

明萬曆甲午舉人任荊州府同知順治丁

酉年崇祀

蔡光前 邑諸生官指揮僉事誥授明威將軍順治
丁酉崇祀

潘 張 明萬曆丙午舉人癸丑明通進士尹原武
履任七日即開倉賑饑民民賴以活遷通山令嚴禁
溺女一時號為慈母俗祀鬼張禁之淫祀頓已其慈
惠方正大率類此康熙乙未年崇祀

楊方威 字大豫提之子也明萬曆丙辰進士授大
冶知縣邑多巨猾犷悍難治不數月刑清訟理考授
御史天啟初巡按河南復視長蘆鹽政剔蠹鋤奸頗
著風采補京畿道適遇黔中奢安之叛疏陳安邊諸
策廷議避之遷太僕少卿提督西路馬政馬多蕃息
轉右通政歷應天府尹崇禎壬午擢南京戶部右侍
郎兼都御史總督糧儲時流寇滋熾南糧飛輓不繼
方威措置有方政績益著癸未告歸年七十一卒康

熙丙午年崇祀

右元一人明二十人讓朝六人都二十七人

行申之二

元闕

明

張時宜

字東山以拔貢任建昌教授嘗遊蔣信之

門深得慎獨宗旨在官罷淫祠毀妖廟晚年與李元

陽精研心性之學郡人遵其教信嘗有詩贈之云官

是傳經漢馬融芒鞋踏遍匡廬峰潛乎勇退好則劇

邱也東家重欲逢取魚沽酒共歌舞清水芙蓉誰異

同蒲團只在空樓裏夜夜高排八極風又太和李元

陽亦有贈云掛冠東山著笠蓑更無塵夢到烟蘿靜

中會意將誰告溪畔逢人只浩歌石竇雲霞春後麗

賞池鶯燕雨餘多知君此處閑吟詠忘卻蕭蕭兩鬢

皤可想見其負一時之望

楊邦器 字德周貢生授眉州學正學識淵博個儻好義賑乏周急鄉人有爭片言而解在眉以文行飭諸生攝彭山縣事以廉著人或嘲之答曰吾不以小隨節也

李夢明 字敏齋少習舉子業隨父東粵遊太學父卒於京夢明傭役獲貲扶櫬歸癸年二十喪妻不再娶肥遯林泉棲心經籍生平無謔言躁動鄉人至今稱之

孫愉 字惟愛以明經為南溪訓導篤教化恤貧乏攝邑篆以直慤忤大府大府目之曰強項老儒尋丁繼母憂歸遂不出事繼母撫異母弟皆以孝友稱張應舉 字三橋九歲能文連躡棘園落乙榜者數次序當貢以友人李某齒長衰憊讓先焉及訓導通

山行誼起絕攝邑篆政平訟理民賴以安

李 啟 字桂軒甘貧樂道以明經司訓劍川江津

遷彭縣教諭所至以身教士士皆化之教成致仕歸
以禮化其鄉人風俗為之一變

施德裕 字惟一領崇禎庚午鄉薦初授河南封邱
教諭陞四川射洪縣知縣於辛卯年擢黃州府同知
時流氛日熾全楚蹂躪德裕單車赴任竭力守禦未

幾城陷被執德裕叱賊不少屈賊索金帛德裕空囊
無以應賊知其廉吏釋而遣之遂携家寓雷江學圃
蒔花以詩酒自娛足跡不至戶外大司農王公宏祚
與德裕同年至契邀至白下一晤之外無他求也其
薑桂之性如此晚尤食貧處之泰然卒年七十一歲
讓朝

張重暉 字叔含號厚赤以明經司鐸太和定邊咸

有師範士林重之子徽左康熙癸卯舉人

張賓賢 字以行負性敦慤人不敢以非禮犯及與人交接和氣溢於眉宇為鄉學師教法有條理故其門下多知名士為人樂善不倦不生一分外想陶然有無懷葛天之况

施祚遠 字爾徵貢生為郡名士以禮自守生平不謁一上官不交一勢利安貧樂道與弟澤遠互相師友郡中人士遊其門下者咸有聲七上棘圍不售終於明經卒時年八十

施澤遠 字遠徵幼穎異負清才倡正學遠近從之遊其門者皆有行誼生平言笑不苟規行矩步恂恂如無一能者及事關大義則正色條辨不苟且以悅人一時稱為慤直性孝友事其兄祚遠如父師一堂中太和元氣以諸生終人咸惜之

李毓奇

字少穎歲貢敦品好學少時讀書紫玉山

房有一女子奔之拒不納吳三桂聞其名以重幣羅

為客力却之恐以致禍遁跡山中者七年事繼母以

孝聞喜周貧乏而不責報鄉人重其德行焉子倬雲

康熙戊子舉於鄉特求其座主吏部主事宋聚業為

立傳號為正誼先生並錄之而毓奇之生平大節可

想見矣

宋傳 人生之樂莫如壽而壽之所需有三

情三者備而後為壽之祺然世之稱壽者得一足娛

苟能讀書至老不倦如洛下耆英之詩曰青編萬卷

遊將編白髮光陰得最多是矣子孫多且貴如元季

竇氏之詩曰鳳雛驥子生有種往往毛骨傳諸郎是

矣但二者既得之而使鄉國無佳山水則有遠遊移

家之慕亦非快事故東坡先生買田陽羨香山居士

傲居綠野二公豈不自愛其廬顧遠有所慕者良以

人生貴暢意非佳山水處雖烹五鼎陳五色調五音

究於達人曠士有所不屑故山水之娛壽其樂不在

書史子孫下君鶴郡少穎先生其三者之娛乎先生

去業儒少孤事繼母以孝聞閭里重之嘗夜拒奔女

有善學柳下之風焉吳三桂反聞其博學高行欲羅

致之先生辭不就遂絕仕進想但教授生徒著書藏

之名山不知老之將至可謂適心有物矣有丈夫子

二文彩相聯其伯氏各倬雲薦賢書雄心尚未可測
 仲氏名齊雲尤俊雅十八遂鎮於庠云統膝孫四人
 悉能讀祖父書則先生之世業其傳之子若孫者不
 既宏乎先生之先為吳人自先世官於滇遂家蓮花
 下累仁積德為鄉評推况又有蓮峯之勝孕秀鍾
 靈而先生以鶴髮龐眉與山水相為映發尋即經壑
 杖自隨將經去洪猷付之諸郎其暢宜有涯乎歲
 戊子予奉命典試雲南先生伯子為予所得士因得
 悉其生平遂傳其行以待後之採風者先生李姓諱
 毓奇字少穎號松筠居士為滇西明經卒時年八十
 餘其門人私諡
 正誼先生

李 埏 字世賢康熙己酉舉人工詩文善書畫為

吳三桂所知三桂反強官之不就三桂震怒擲硯擊

其首血流被面埏曰我家盡忠孝死即死耳肯從逆

耶三桂嘉其忠不忍殺遣隸使與齊民供徭役埏怡

然歸里不與外事雲南平授泰安知縣未及視事而

卒

李夢嘉 字心皇康熙壬子舉人癸丑未上公車會

吳三桂反欲羅致之夢嘉漆身為癩如預讓故事示

不可用三桂愛其才陰使人偵之得其狀乃已雲南
平夢嘉赴乙丑會試謁座師董訥訥撫其曰曰君來
乎若能不失節同榜多人惟君差強人意耳春官報
罷任順寧府教授

蔣 綱 字國器諸生博學多陰德僑居松桂南庄
康熙二十年吳三桂潰將胡國柱奔鶴慶欲入城肆
掠脅綱引路時大兵未至人皆惶恐綱登三庄坡指
城西石灰塚給之曰提督諾穆圖領滿漢兵自劍川
來已駐營西山下矣國柱遙望若無數軍馬信之乃
遁去城賴以安以孫祖培貴贈如其官

李翊樞 字衡望父醇性嚴介言動不苟苦耕於家
翊樞恪守庭訓方正如其父嘗就祿豐縣令之聘會
歲試有欲以賂求首薦者堅辭不受夜宿旅次有妓
扣門峻拒之妓笑其迂而去生平節操大率類此

萬中清 字廷俊邑庠生家貧嗜學舉止端方尤敦
大節童時母病足朝夕必親為濯洗世亂負母逃難
力竭不能遠步因以蓑衣席地請母坐而以膝行御
之偽將軍某慕其名欲羅致之清誓不從又恐倉卒
或渝所志因仿文信國故事為衣帶銘賊竟不能屈
教讀松桂三十餘年多所成就晚年學益深邃而嚴
正之性至老弗改每里中不肖者見其至輒避去或
途遇亦避道行人比之王彥方云

趙廷璿

字松樵邑諸生少肄業永昌博學工詩文

性孝友為人謹厚言行不苟有欲試之者招之飲先
藏妓於室酒後紹之入門外扃焉璿竟夜圍爐不亂
知世將變絕仕進意杜逆服其學行欲羅致之璿遠
避去同治四年楊武愍規復鶴城璿赴省乞師途聞
城陷遂挈姪入川叔姪相依為命有詢及其妻子者

曰姪猶子也吾弟死於難見姪如見弟耳璿家故裕人求貸者輒應之積券盈篋亂後乃盡出焚之歷遊蜀楚吳粵間數十年凌然名利日耽書史雖患難流離無或輟尤精八分書得之者如獲至寶生平未嘗道人短脩然無欲有靖節風

楊履和

字泰安邑廩生世有令德履和承家學讀

書青蓮社雖嚴寒盛暑未嘗輟誦讀聲執親喪讀禮廬墓者三年生平不履市廛口不設閤閫值回匪之亂糴糴糶弗繼或勸以出而從事口腹當非所虞履和厲聲應之曰願為饑管寧豈為飽華歆耶卒不出年五十一而卒

楊士達

歲貢生性嚴正丙辰回逆構亂先期逃避

四川誓不從賊往來羅江西充各縣教讀每清晨出街巷拾廢字偶遇一少婦短衣無禱士達責以無耻

婦泣曰無錢可辦豈故為耶達命以少待遂避入小巷脫已禱遙擲之婦泣謝而去達回館無禱數日東家知之為製衣禱各一襲送之承平後旋梓以明經貢成均平生疾惡如讐見曾從逸而享享富貴者輒諷斥之年七十餘疾篤時手寫喪禮付其子曰喪事須遵古禮不得潛越我舊衣裘盛時物也必以殮言訖端坐而逝識者謂其有氣節焉

張星曜

字紫垣幼有至性事父極孝讀書重躬行

膺道光己酉科拔貢讓朝二百餘年間闈場風氣鄉墨多濃重會墨則務取清而腴星曜制舉文簡鍊功深已超八會墨派矣以數奇七應秋闈六膺房薦而卒未售又不願以他途進軍興從戎十餘載僅一列激江案薦章保知州銜以直隸州州判儘先選用非其志也喪耦時年僅三十餘歲篤念糧糠誓不再娶

鰥居歷五十餘年五十二歲由拔貢本班借選永北
廳訓導六十二歲籤升激江府教授八十二歲告歸
又二歲而卒其自為墓誌稱平生不附逸黨不受偽
職不取非義不虐無辜公忠自勵無一事不可對人
語人謂為皆核寔無一溢詞云

張星明

字會午星曜弟性至孝與兄友愛甚篤父

嗜酒醉後常終日誑誑苛責細微明與兄有聽受而
無違忤父或他出恐其傾跌輒往扶掖之初從兄受
書已而轉相師友卒齊名同治初賊陷邑城明與同
志數人徒步走省垣求援弗得歸而授徒山寺有達
官騶從遊山慕其名就與語明危坐講學自若不為
禮達官不憚而去或曰達官能富貴人者也既紆尊
先生若稍與委蛇當得薦拔明曰以山林為捷徑此
正孟子所謂妻妾羞泣者也何可為諸生訓蓋其五

身行已如此晚年以明經選授雲南縣訓導考滿授
 勅棘上峯重其行強迫之使出甫半年餘一日夢其
 父與語寤而嘆曰吾其從先人乎遂走辭所善山長
 萬某並託以照料後事萬疑其有心病寬解之頃之
 門斗馳報已整衣冠危坐逝矣子鳳翼邑庠生早卒
 遺腹生孫樹培按先生於丙申冬以送考至榆時金
 某有穢行難與處適得俸滿催驗看檄遂投劾棘巡
 道張公雅重先生數招飲謂為酒友慰留之不獲其
 明年春金鎧回館張公為言監院魏訓導亦俸滿矣
 併為函請藩臺回院准予免驗昨得覆院諭照准飭
 取文結備案可催令速以文結寄省並即出山金鎧
 因以此意函而先生入山既深仍無出意其孤孫
 孀婦請戚友再三為之勸駕金鎧亦加函謂上官雅
 意不能拂先生喟然曰予之棄官棘里如蛇已畫成
 再出而以八人舁歸是為蛇添足也然既不可得豈
 數已定耶因流泣幡然治裝行詎至榆而張公復得
 書謂魏訓導文結到已月餘司書因先辨詳上奉帥
 諭後不為例張訓導事只能令一親行張公言藩臺
 亦太謹慎寡言此刻但陳明案奉邀准者尚有張訓
 導一人即無事矣而顧不出此於是先生不得已遂
 冒暑登程及歸來書謂此行勞碌殊甚未幾而先生
 歸道山之耗遽至矣金鎧故有詩哭之曰本老先慈

七十車醉呼家釀不須賒一生僅可手持蟹再出真
成足畫蛇我者物材類傾者是耶天道抑非耶殷情
為勸先生駕悔我當時計亦差蓋紀寔也綜先生行
止觀之若寔具有宿根能知未來事者附識於此以
備後人之
尚論焉

存德

字子恆幼隨宦黔中與弟存厚均溺志於

學弟質高明存德則於沈潛為近壬辰成進士授禮
部主事爾雅溫文貌恭氣斂人叩其學笑而不自言
及窺其文則嘗經世之作嘗與同人習儀禮至病猶
強自檢束都中盛夏溽暑汗流夾背葛衣都濕故雖
廣坐解衣磅礴不以為忤而存德則即燕居獨處亦
必深衣正襟危坐無跛倚容人或以下氏小德出入
語相詰難翌日見其筆記中載有以此語質之同講
學友某君某君曰此禽獸之言云云蓋其篤信如此
雖其所與同講學人不盡言行相符以是頗不饜人
望然以其綺歲而志之堅定力之堅忍如是苟天假

之年再得明師益友為辨析其所造詎可限量哉

明陳小圃先生於其歿深致悼惜嘗為文祭之今讀

其文而存德之生平大節可想見矣陳祭文嗚呼天

子天而愛才子何以死死亦同然是矣足悲吾獨於

子莫知所為謂子賦命不長厥年楊雄中壽孰與顏

淵謂子為官未躋卿相董賢三公孰與劉向子有高

堂為子悲傷古之賢者亦喪其明子有兩孤為子號

呼幼而無父寔繁有徒凡此數事可委諸天天寔寔

子子復何言予所言者匪天惟人人情之悖吾道之

屯子之少時蹶弛不羈一變而儒方矩員規吾不自

意得子良友今其死矣反增多口子之植身敬以為

甚人曰拘甚自牴牾子之制心屏絕嗜慾人曰枯

精死及稿木子之勵志夜寐夙興人曰勞甚徒敝

瑣任事曰狂講學曰妄憂世曰傷是皆子善人謂不

感一唱百和如箕箒揚子已不聞子已不睹子亦何

難為聾為瞽慮彼後生惑此淫詞為其所誘質然從

之入狂出聖遂失其正不識陳朱何論孔聖嗟予後

死云胡不憂誓明正學以障橫流子如有知尚陰相

我子不我相云誰其

可嗚呼哀哉尚饗

右明七人讓朝十六人都二十三人

仕宦 申之三

元闕

明

曰節

由徵辟任本府教授文苑有傳

陸經

由進士歷官南京兵部郎中鄉賢有傳

趙德宏

由舉人歷官慶府左長史鄉賢有傳

張宗載

由進士歷官山東道監察御史鄉賢有傳

閔宗聖

由舉人官四川榮昌縣知縣鄉賢有傳

顧紳

由進士官知縣

趙民悅

由舉人歷官至直隸深州知州

楊提

由舉人歷官至陝西安府同知鄉賢有傳

楊世華

由舉人官至湖廣永州府知府

張統

由舉人官國子監典簿

奚元綬

由舉人歷官至湖北荊州府同知鄉賢有傳

毛宗養

由舉人官長史

趙子禧

由舉人歷官河南陽府同知鄉賢有傳

朱佩

由進士歷官陝西按察使鄉賢有傳

樊魏

由舉人官直隸良鄉縣知縣鄉賢有傳

吳堯弼

由進士歷官四川綿安兵備道鄉賢有傳

趙捷

由舉人歷官江西州府同知鄉賢有傳

莫與京

由進士官四川宜賓縣知縣

彭富

由進士歷官至州巡撫鄉賢有傳

楊掄

由進士歷官至光祿寺卿官績有傳

史紀棟

由舉人歷官至廣東潮州府同知鄉賢有傳

李冲

由舉人官湖北崇陽縣知縣

孫健

由進士官山東登萊兵備道官績有傳

李時亨

由舉人官通判

王來舉 由舉人官知縣

梁州彥 由進士歷官至蘇州府同知鄉賢有傳

楊方威 由進士歷官至南京戶部右侍郎鄉賢有傳

潘張 由明通進士官直隸通山縣知縣鄉賢有傳

趙屏始 由明通進士官刑部郎中

趙文相 由舉人官楚神州府同知

田蘇兆 由舉人歷官至員外郎

莫嘉駿 由舉人歷官通判

孫炳奎 由舉人歷官至知州

李廷柱 由舉人官至同知

楊遇堯 由舉人歷官至知州

楊本厚 由舉人官湖廣宜章縣知縣

李葉然 由舉人官至運使

劉震元 由舉人官通判

李聞詩 由進士歷官至浙江温州府知府

查偉 由進士歷官至陝西苑馬寺卿鄉賢有傳

王大任 由舉人官至同知

趙啟文 由舉人官廣西陽朔縣知縣

李克振 由明通進士官至四川糧儲督學道兼布政司參議

楊應宿 由進士歷官至四川成都府知府鄉賢有傳

周景頤 由貢生官楚確教諭

張信 由舉人歷官至運使

汪起龍 由舉人官知縣

李大受 由進士官吏部稽勳司郎中

部儀 由舉人官知縣

楊寯 由舉人官知縣

李元弼 由舉人官至湖南桂陽州知州

楊朝鳳 由舉人官知縣

王鶴年由府舉人官河南知

王一夔由舉人官四川知

楊嘉猷由舉人官至湖廣

楊邦器由貢生官眉川學

李啟由貢生官彭縣教

董華由拔貢官至萬州

吳道顯由拔貢官紀善教

奚仁由拔貢官雲南府

寸源由貢生官知縣

楊節由貢生官檢校

李祿由貢生官主簿

楊節由貢生官州判

楊賢由貢生官富順縣

楊恭由貢生官仁和主

施酬素由府舉人官至

楊洪謨由舉人官至貴

張時宜由拔貢官建

孫愉由貢生官南溪

施德裕由舉人官至黃州

戴君澤由拔貢官羅江

王勳由拔貢官納溪

楊自新由拔貢官上津

寸保由貢生官知

李如由貢生官州判

趙春由貢生官知

寸欽由貢生官訓導

李或由貢生官江津

朱俊由貢生官平樂

陳宣由歷貢生官武昌經

趙良由簿貢生官長沙主

李福由校貢生官長沙檢

朱昂由簿貢生官仁壽主

麻承清由簿貢生官湘陰主

施禧由簿貢生官桐城主

高遠由丞貢生官寶應縣

趙琳由磨貢生官臨江照

朱宸由丞貢生官公安縣

楊輝由丞貢生官平江縣

趙遠由察貢生官江西按

楊諱由縣貢生官安岳

王翊由磨貢生官江西照

梁偉由導貢生官永寧訓

郭烟由吏目貢生官安岳

李斌由簿貢生官長沙

童慶由事貢生官長沙

郭亨由校貢生官夔州

趙倫由典寶貢生官襄府

汪倫由簿貢生官諸葛

李大盛由簿貢生官江蘇

張聰由簿貢生官潁川

周祐由縣丞貢生官嘉定

楊斌由縣丞貢生官蒲圻

楊諭由縣貢生官開建

楊燦由縣丞貢生官寧遠

曹鑾由簿貢生官江安

高惟岳由導貢生官馬

李觀 由貢生官府城主簿

顏容 由貢生官邠州吏目

李文熙 由貢生官德陽訓導

寸金 由貢生官石泉教諭

馮亨 由貢生官教授

程章 由貢生官越雋訓導

孫翻 由貢生官新都教諭

李璽 由貢生官漢州訓導

孫恕 由貢生官楚雄訓導

張應舉 由貢生官通山訓導

董崇德 由貢生官石屏訓導

趙和 由貢生官銅仁訓導

趙恕 由貢生官蜀府教授

楊于建 由拔貢官至陝西鞏昌府同知

李杰 由貢生官銅梁主簿

李清 由貢生官常熟主簿

陳伊訓 由貢生官雙流訓導

李世英 由貢生官綿竹訓導

章文科 由貢生官城都訓導

陳淑 由貢生官阿迷學正

毛永傑 由貢生官嘉定訓導

李維 由貢生官廣西

李珺 由貢生官內江訓導

梁欽 由貢生官丹陵訓導

張九賢 由附貢官江南六安州知州宦績有傳

趙以相 由舉人官師宗州隱逸有傳

趙恩 由貢生官雲南縣訓導孝友有傳

讓朝

李文俊 由舉人官學正

李大鵬 由貢生官劍川儒

趙統緒 由貢生官賓川學

楊應嘉 由貢生官工部錢

趙瀛 由貢生官至大理

趙鴻祚 由附貢官四川洪

夏華 由貢生官阿迷訓

楊嗣光 由貢生官湖廣靖

李如皋 由拔貢官光州州

李佳 由貢生官山西布政庫大

蔣祖培 由進士翰林院檢討改授和順縣知縣官績有傳

李夢嘉 由舉人官順寧教

趙焯 由舉人官江蘇寶應知縣官績有傳

王宗璧 由貢生官湖北

李啟予 由貢生官劍川

李芳 由貢生官河陽

楊文秀 由貢生官四川

李廷璉 由貢生官鎮南

楊殿元 由貢生官建水

楊嗣先 由貢生官戶部

楊纘緒 由貢生官賓川

楊東伯 由貢生官江西大庾縣

按以上二人其出身無考

蔣鳴鹿 由進士翰林院檢討記名御史官績有傳

楊坦 由舉人官教授

張薇左 由舉人官四川珙縣知縣文苑有傳

李汝相 由舉人官學正

張惠可 由舉人官兵部主事文苑有傳

李倬雲 由舉人官學正文苑有傳

李愷 由舉人官湖北來鳳縣知縣

李嵩 由舉人官湖南貴縣知縣

蔣祖壽 由舉人官鎮南州學正

趙鴻漸 由舉人官四川璧山縣

蔣夢璋 由舉人官貴州錦縣知縣

趙安 由舉人官晉寧州學正

李根玉 由舉人官浙江武康縣知縣孝友有傳

楊本盛 由舉人官安寧州學正

楊覲光 由舉人官安寧州學正

趙士圻 由舉人官南寧縣教諭

李湘 由舉人官訓導

趙傑士 由舉人官順寧府教諭文苑有傳

楊旋吉 由舉人官直隸定州州同

趙之卿 由舉人官祿豐縣訓導

鄭夢蘭 由舉人官署縣教諭

楊諱復 由舉人官曲靖府教授儒林有傳

張綱 由舉人官祿豐縣教諭

余登龍 由舉人官羅次縣教諭文苑有傳

趙宗范 由舉人官元江州學正

楊奮甲 由舉人官直隸無極縣知縣儒林有傳

張維柱 由舉人官建水縣教諭

段克瑩 由進士官江西貴溪縣知縣儒林有傳

馮晉錫 由進士官直隸唐山縣儒林有傳

李重葵 由進士官至廣西永安州知州文苑有傳

高士桂 由舉人官臨江府教授

周作豐 由舉人官廣南府教授

段龍章 由舉人官學正

李綬 由舉人官教諭

楊席珍 由進士官蒙化教授

楊朝柱 由舉人官蒙自縣教諭

李之華 由舉人官直隸南河縣知縣

李連甲 由舉人官潞南州訓導

解尚 由舉人官四川試用知縣

劉儀 由拔貢官湖北谷城縣知縣

李華始 由貢生官嵩明訓導

楊堯俊 由貢生官鄧川訓導

寸聯級 由吏員官阿所拉巡檢官有傳

朱之政 由副貢官羅次縣教諭

潘餘慶 由進士官直隸望都縣知縣宦績有傳

李重輪 由進士官翰林院檢討孝友有傳

蔣九錫 由舉人官呈貢縣教諭

趙義章 由舉人官鎮南州學正

奚品端 由舉人官雲南府教授

楊恩和 由舉人官彌勒縣教諭

王錫祐 由舉人官江蘇安東縣知縣

劉綸 由舉人官山西大寧縣知縣宦績有傳

張重輝 由貢生官太和縣教諭卓行有傳

莊我儀 由貢生官羅次縣教諭

陳大經 由貢生官鄧川訓導

楊運昌 由貢生官廣西州訓導

夏景長 由貢生官賓川訓導

李如琮 由副貢官順寧府教授

楊世珽 由拔貢官南寧縣教諭

于毓焯 由廩貢生官廣西直隸州訓導

趙繼善 由舉人官山縣教諭文苑有傳

楊金鑑 由舉人官石屏州學正考友有傳

李翰香 由舉人官碧峽縣教諭

楊金鎧 由進士歷官四川綿州直隸州知州順慶府知府兼攝保山縣事

趙鶴齡 由進士翰林院編修歷官記名陸軍副都統佩帶七國寶星

趙耀基 由進士歷官四川筠連洪雅等縣知縣入民任永平縣知事現任蘭坪縣知事

舒嘉猷 由進士官四川通江縣知縣入民國任永北直隸廳廳長

呂存德 由進士官禮部祠祭主事卓行有傳

李鴻鈞 由舉人考授禮部主事儲備科編纂

汪錫彬 由舉人考授貴州即用知縣入民國任思茅維西等縣知事

李鴻康 由監生官五品銜四川候補縣丞

趙鎮 由監生官鹽提舉銜四川試用布經歷

李光 由舉人官教諭

舒良弼 由舉人官吏部員外郎

舒良輔 由附生官四品銜四川候補知州

楊松麟 由副榜官四川補用直隸州州判

洪昇範 由舉人官四川鹽大使入民國任干崖彈壓委員

趙因培 由優貢考授禮部七品小京官入民國任寧縣知事

丁彥 由附生歷官浙江杭嘉湖兵備道署兩浙巡運使入民國任鶴麓永華鎮總兵官官績有傳

楊以和由貢生官恩安縣

張趙怡由廩貢官保山縣訓導

施澤沛由貢生官雲南縣

董尚德由廩貢官安寧州學正

李錦由附貢生官浙江候補直隸州知州孝友有傳

呂樹勳由勞績保舉官貴州台拱同知

祁瑩由附生保舉補用知州官四川巴州州判

張泗由附生官四川儀隴縣典史

蔣關齡由一品蔭生官四川候補道孝友有傳

張星曜由拔貢官澁江府教授卓行有傳

張星明由貢生官雲南縣訓導卓行有傳

趙家騏由勞績保舉官四川補用巡檢

莊惠由附生官河南補用縣丞

李品芳由勞績官福建補用縣丞

丁焜年浙江候補道

右明一百三十五人讓朝一百一十六人都二百

五十一人武職不勝紀且考查難憑就其有寔缺

或為眾所確知者畧舉數人明如 高 海官指

揮龍虎將軍 高材官千夫長 高藩臣官驃騎

將軍 讓朝如 崔善元官開普鎮總兵官行取御

前侍衛 吳士英官湖北襄陽掛印總兵官 王

賓官參將 周鴻勛官騰越鎮游擊 周天貴官山

東德州衛守備 蔣宗漢官貴州提督 丁槐官

廣西提督 楊建勳官護理雲南提督 趙偉歷

官昭通普洱等鎮總兵官 羊恩科官維西協副將

李鳳官永昌協中營都司 楊鍾祥官昭通鎮

右營游擊 劉洪玉官龍陵營參將 楊世勛官記

名總兵 段耀元蔣太富甯幹寶均官副將銜補用

參將 楊錦春劉占魁總兵銜均官補用游擊

右明三人讓朝十九人都二十二人入

民國政界則有

彭坤年由讓朝舉人省議員委任定遠知縣獨行有

李鼎倫由讓朝舉人官晉寧縣知事現任寶應縣知

王崇矩由讓朝舉人官干崖彈壓交涉員蘭坪安撫

楊粹仁由讓朝拔貢歷官至四川補用道尹

楊培元 由考試合格縣知事
現任牟定縣知事

丁潤年 由考試分發湖北
補用縣知事

喻宗澤 由考職知事現任
廣東澄邁縣知事

李 焄 法政畢業官推事考
取以縣知事委用

彭 侃 法政畢業任廣東
檢察廳檢事

杜學聖 由保送中央以縣
知事分發四川

李世珍 由法政畢業任
吉縣佐

唐 煜 由讓朝廩生任香
綠井鹽場知事

卞鄭芳 讓朝附生任猛烈
彈壓委員

楊鏡仁 讓朝附生任上
怕行政委員

周 謨 由道科畢業任遞放

黃致中 讓朝附生任金
江知事

楊錫山 讓朝附生歷任芒
板彈壓交涉委員永昌府

趙良璧 由日本農業畢業任
山東高等實業顧問官

彭文章 讓朝附生任永寧
行政委員

董廷範 任知子羅行政
委員

曹永錫 任永善縣知事

王 苑 任永昌分防十
五噏縣佐

段應麟 考取行政委員

李錫桐 由選科畢業任
省視學員

董 昶 考取行政委員

喻增榮 任保薦縣佐

趙熙泰 任杉陽巡檢
井鹽務分場長

共二十七人軍界則陸軍

上將有 丁

槐現官奮威將軍計一人少將有

李 寶現官廣東督軍署一等參謀長 李宗璜現

官雲南督軍署參軍 施繼伯前由駐永第五團團

長升授混成第六旅旅長共三人上校有 丁樹年

周懷植 萬人敵共三人中校有 孫 明 部

之鏡 丁焜年 吳品芳 劉興漢 王新績 楊

壽康 王 仁 趙錫品 趙勳泰 羅昌寶共十

一人少校有

趙品琳 彭 仲 李錫桂 楊錫綬 董鴻銓

周 澍 劉啟漢 施汝訓 段毓賢 李趙揚

趙用賢 張廷鏡 張崇仁 楊天民 趙如柏

段 瑞 孫 藩 郭紹賢共十八人上尉有

楊壽伯 張長林 丁桂年 楊建邦 張有珍

趙德仁 張鶴年 楊嘉棧 董廷英 王炳章

周北鷗 段克昌 楊品柱 董英華 韓金海

母潤科 周 瑛共十七人中尉有

王金發 周宗銘 張興兆 尹樂堯 謝國卿

田恩霖 趙雲漢 毛鴻昌 蔣仁壽 王金蘭

施繼仁 丁維乾 李少卿 李學禹 張子光

共十五人少尉有

劉 縉 周 暘 張長福 田懷仁 趙汝誠

田瑞龍 李廷潤 李逢樸 李逢萃 邵蔭宗

周宗虞 王輔南 張 毅 楊 鈞共十四人

准尉有

趙晉卿 張倬霄 古朝鮮 劉桂馨共四人軍

佐則如

李鴻夔 李麗菴 張維漢 楊國基 王毓錦

趙傳典 楊天祿 丁康年 馬萬生 周鑫愷

楊懷善皆軍需官共十一人 段震東 李學濂

段克鑑 趙震 楊金潤 吳嘉瑞 趙延藩

楊忠孝 張其健 阮大有 皆軍醫官共十人 警

界則

段自仁 趙文銳 奚鑫 趙培元 趙如璋

劉輝 段斐超 彭金元 高鴻基 郜天壽

郜重甲 楊英沛 段肇修 李步洲 楊學中

趙靜修 趙國良 阮大觀 洪維中 張翼之

田思霖 李子玉 王維棟 楊映槐 王正乾

趙聘久 楊國宣 趙俊生 共二十八人 政軍警都

一百六十二人

宣績 申之四

元闕

明

孫健 字毅 所萬曆甲戌進士 為行人 性骯髒

豪貴忤謫冠縣知縣尋遷磁州築隄捍水民呼為孫
公隄以才望擢東萊兵備道饒膽畧善騎射倭人畏
之不敢向東

曹 成 字毓臺善文詞萬曆乙卯舉人以定遠教
諭尹蜀之巫山遷山左武定州武定夙獷悍黠胥每
借公橫徵成至捐為軍需且籍其乾沒者會以米備
京邊豪右請改折成不可尋積勞病卒時論惜之

曹 震 字斗拱由舉人官四川蓬州知州蒞任詢
疾苦獨煩苛釐奸蠹省刑薄賦尤加意學校循良為
一時冠其重修州學宮及魁星樓有廣安王德完為

之記 王記 環嘉陵百城繡錯倚山濱江湖惟蓬山
舊樹學宮介治後西北平岡宏崇壇爽人文遞
發迨中葉改建北隅風水漸渙王氣頓爾默默通未
頽郡大夫暨薦紳父老之靈遷復舊址屬以公私交
困未竣厥工風雨飄搖日就隳墜會丙辰秋滇南曹
侯未館郡符獨煩苛詢疾苦釐奸蠹省刑薄賦興利
規便種種循良惠政侯為西諸侯冠加意學校陶養
髦士暇日寧視學宮低徊咨嗟曰誰司師帥而忍令

若此余不穀實應且愧其敢謝弗任也顧民不堪勞
 而學事非輔余其能獨為哉乎爰德憑諸生請於分
 守柯公分巡李公學憲杜公大府李公侯復從郵督
 中仗乞當道僉事曰可侯遂割俸捐十之五金帑羨
 餘贖錢無虞百餘緡鳩工藏材增飾文廟門廡塗滌
 明倫堂黝堊丹漆舉如法改豎儒學門夾道繚以
 周垣建緯一顏曰斯文重地又按形家言慮堂太
 高亢氣局汗漫於堂拓基創樓三楹中奉魁宿像蓋
 取天文志斗奎戴笠六星主人間文衡籍以呵護士
 林默扶文運仍懸鶴山先生舊題文明樓工始戊午
 仲春越三月告厥成功於是蓬諸事寓書紫金山房
 屬余記其勝余按樓高凡幾丈飛棟峻竊疏寮玲瓏
 倚檻遠眺遙山蒼翠欲來窺人澄江灑灑西注如練
 如帶雲樹參差汀鳥翔集萬井朝烟平沙暮靄頃刻
 萬狀恍可人意煌煌大觀也哉自今蓬多士羣居類
 聚陶斯澄心默坐絃歌講習選日勤課其藝文無輟
 晦明寒暑將來蒸蔚鬱為時棟聯翩天路輝映笋班
 以追阜夔伊周之踪悉自此樓開之則曹侯培植誘
 振之功豈其微哉昔文公治蜀學校開講堂選所部
 儒茂子弟修詩書禮樂之教惟時蜀士有若杜遵張
 寬何武司馬相如楊雄王褒之流皆沐其餘澤以節
 義文章名天下禮殿石室之或精采風華垂千百世
 不衰今曹侯大有造於蓬土靡止文翁下吾安知異
 時蓬山人物不堂趾矣漢其為名俎豆獨一文翁擅
 巋然靈光哉余斯為蓬山發特綏述顛末如此俾勒
 之貞珉思不愧斯樓以無忘曹侯之勤侯名震宇斗
 拱雲南鶴慶人庚子鄉進士是役共襄其成則別駕
 劉君之廣督理學務捐俸拮据則別駕王君儒其先

後預事則別駕黃君應隆學博傅君惟肖秦君祖孝
張君淵亦得書之金鎧按先生之刺蓬州舊志既失
載經兩次修志亦無人為之補報邑之人若竟不知
先生之曾登仕籍也者蓋式微之裔數典而忘久矣
金鎧於甲辰冬出守果州甫下車即檄徵所領人屬
邑志備於蓬州職官內得見有吾鶴慶人者故鄉宦
輟異代同聯為之色喜及解任以屬志移交備案而
但以郡志作為鬱林之石鎮舟歸曰是雖區區而八
邑之山川人物官師盡在於斯矣此後修志憶及前
事將據以補入顧但髣髴記曹姓而忘其名亟出郡
志閱之篇終竟無其人正懊喪間忽於無意中得此
記豈先生之靈爽有以默相之耶何巧相值也考王
德先廣安人為明世名臣紫荆山房則其讀書處後
道家據為玉皇閣光緒間邑人改為高等小學兩次
釀亂致斃多命金鎧奉檄兩往查辦者是也於戲先
生之他政雖無聞然得此已足不朽矣豈不幸哉

楊 掄 萬曆癸丑進士官行人奉使冊封

琉球國王歸轉刑曹游陞刑部員外郎庭中號不寃

出知山西潞安府有惠政大計入覲所屬八邑牧令

為丐布衣程嘉燧文以贈行後歷官至光祿寺卿里

人稱之曰楊封王其姪萬盛官至總督倉儲然邑人

或有不知至楊封王則雖婦孺未有不知其名者按

公應祀鄉賢而舊志並宦績內亦佚其名其軼事得

於文苑之傳述為多顧紀載獨闕宜滇繫歎為志之

不足憑也程序 歲已未春正月天下當大計監司

或裝其屬已八君者借謁余文以贈行夫侯之由尚

書郎出守潞安僅數月不繁為條教亦未嘗驟有所

更張而民皆晏然自得於山谷田野之間今侯以述

職行非久遠皆皇皇然若赤子之去慈母則何其相

愛之深歟太守雖號親民其秩尊上俸監司而俯制

州縣於匹夫鰥寡之情非得數教聞且一旦由京曹

官奉壘書以出曾未數月而民之愛慕若是此豈威

令智力之所為哉夫人有可以致一時之譽而不能

照匹夫之心力可以致人之死命而不能使人之愛

慕顧所以感之者異也侯為人溫厚而直敦大而敏

擅經術精法制比其郎刑曹庭中號不寬及為潞安

虛已好善約於自奉而誠於愛人孜孜訪求問民疾

苦雖令以下至丞尉每降詞色如恐傷之洞悉情偽

而未嘗責苛細至於蚩蚩之民或遮道擁輿一一

為省理撫循未嘗厲聲色孰何之蓋務在得民之疾

痛而與之爬搔懸息使僻遠一介之小民不知有官

府之難而數百里八邑之羣吏皆得以行其守令之

意支節血脈相通為一而無復壅隔滯之患所謂

豈弟君子民之父母侯真其人矣自昔唐虞之盛庶

官庶政載於典謨其要在不虐無告不侮鰥寡至詩

人之所以歌詠君子必曰豈弟蓋善為政者不弗民

之情而非豈弟則莫能得其情而感民之深世之君

子或好為赫赫之名，勵蓬氣，任明作，往往遷擢，以去而民之休戚，漠如先。是陳侯公平仁恕，去而見思，蓋賢者也。今雖侯之，又賢慈祥，悃幅皆有，豈弟之澤，即山谷之老稚，閭閻之婦女，足未涉侯之庭，而聞侯之行，皆延頸企踵，以逢其來，則凡言上黨，伎慎俗悍，而難治者，殆亦非民之情，爾迎者，自官府睽隔，公卿臺省，多不得其職，惟外臺監司守相，猶可舉其優恤，保惠之政，誠得如侯者，數人列於雄州，劇郡間以宣朝廷德意，而固國家之元氣，寧詐非社稷之功哉？頃大司農移檄州縣，減輿陸，顧募之直，加歲賦，以給遼餉，恃侯之仁，故賦增而民不知，然山右土瘠，居有杼軸，供行有屯戍之勞，侯固恤其不堪，命也。詩曰：我馬維駒，六轡如濡，載馳載驅，周爰諮諏，古之君子，於行道之際，不忘諮諏，民瘼以入告，天子令侯由會城，經三河之墟，到洛之間，皆畿輔根本要地，吾知必有崇論宏議，聞於朝，著以沃廟謨，而固邦本者，當不獨私三晉之民已也。

讓朝

李衍芳 字微遠，康熙癸卯舉人，吳三桂反，遁入山

結廬讀書，三桂物色之，不可得，雲南平授廬江知縣。

邑南有二湖，環湖皆圩田，惟缺口一河通江，洩水豪

民每裁河作壩，障上流以資灌溉，滂則以鄰為壑，又

編竹橫於河以收漁利民病之術芳特申請除去攝
無為州事平水利均徭役尋丁外艱歸服闋以母老
乞終養遂不復任

張允賢 字心疇博學敦行不苟言笑以副貢歷官
六安知州六安有逃故丁千餘名或苦獨累或因推
張允賢力請上官除之解組歸作濂溪書屋以終老
著有朝霞山集枕中秘等書子惠可中康熙丙子順

天舉人

李含和

字順中康熙丁卯舉人砥行好學工詩善

書任通海教諭十七年因村化導多所成就遷激江
府教授尋擢嘉善知縣有能聲以老辭歸著有金沙
詩文等集

張悅

字衷仁積學敦品雍正癸卯舉於鄉選授

尋甸州學正訓士以存誠主敬為本歲饑召集殷實

士商出穀以賑全活甚眾旬民德之以丁內艱歸遂不復出懷才未竟其用時論惜焉

蔣祖培 字繩其乾隆丁巳進士由檢討改官和順知縣清操自勵勸大耕勸月課興紡織拒益窩除五通邪神廟調孟縣甘雨隨車塵集立刻後官浙江辦鄞縣賑務全活甚眾治常山匪案隔省偵探無株連常山人德之為立祠調任海鹽肅清漕政築海塘為民悍惠鄉里二十餘年不與外事

李 至 字德庸乾隆庚辰舉人任薊州州判居官廉恕攝州篆月餘聽斷多平反定大獄五民呼為小包老爺凡有所入悉加封貯俟知州謝洪恩至概予之洪恩贈以三百金不受值南巡恩賞荷包已丑遇水災分給賑錢無論遠近必親詣其室老弱婦女不能來者賴以全活尋擢三浦浚廳管河通判數月以

勞卒年僅三十五時人惜之

李如珩 字佩九乾隆壬午舉人選授招遠知縣政
平訟理以卓異擢工部營繕司主事士民紛紛乞留
巡撫陳大文據以入告會德平縣有戕官劫獄之事
大文知其得民委之彈壓如珩匹馬往諭眾皆解散
嘉慶五年引見尋蒙召對仍命回山東以直隸用借
補濮州知州重修丹陵書院增設膏火尋署濟甯州
事境內旱蝗如珩往捕吞嚼之又出俸錢千餘緡募
能捕得者按斤給價祈雨以縲紼加己身為民請命
歲得豐收後以病告歸時嘉慶乙丑春也同官劉大
紳寄卷贈以詩云同是離鄉客君隸在我先歎歌尋
舊侶弋釣記童年收取聲名去憑將畫像傳衣冠方
屈勝始信大夫賢又身退功成日今朝見此人來非
貪富貴去自遠風塵郡縣思廉吏朝廷憶老臣國門

傾別酒多少淚沾襟

蔣鳴鹿

字舜遊祖培子乾隆癸未進士改庶吉士

故館授檢討諸城劉統勳時為大學士延問緬甸邊
務對以地方瘴癘宜守在四夷統勳深然之保奏引
見記名以御史用致仕歸歷主鶴陽桂香五華諸講
席三逸人士多所造就

莊莅民

字居敬乾隆辛卯舉人大挑分發河南歷

署原武項城扶溝諸縣事補澠池知縣調南陽皆以
興文教課農桑為先務項城有婁堤橋頽圯二百餘
年捐資修復以卓異擢光州知州時教匪擾息縣民
欲逃匿急止之曰勿驚若汝當死吾其先汝親率鄉
勇尅期撲滅以功遷懷慶知府召見奏對詳明蒙溫
諭勗以察吏安民之事又於大吏奏事摺內奉硃批
此人可靠尋調開封兼署開歸陳許道辦理衡工告

竣再以事異名見交軍機處記名丁憂回籍卒

李景陽 字鳳鳴至子乾隆戊申舉人任偏關知縣

復草采及滑石水泉諸堡捐資買牛借民耕種逋賦

出口者咸復業焉乙丑歲旱步禱於白龍殿未返而

雨大至邑人作碑記之調任汾陽縣除蠹安民聽斷

明敏民間以崇致疾者亦訢於縣景陽為牒城隍端

服焚之疾即愈民奉之如神後罷歸

母維坤 字載菴乾隆戊申舉人由大挑知縣分發

河南任西平縣調署延津邑有富紳以爭塋互訟歷

十餘年不決維坤蒞任二紳一饋金六百一饋金八

百維坤沒受之即往勘塋地飭二紳各分其半以惜

訟累二紳悅服維坤旋諭之曰吾雖寒士豈以儻來

物易我清操將賄銀悉還之由是廉聲大著邑人頌

之曰母青天

阮復旦 字載陽嘉慶戊辰恩科舉人大挑分發廣
 東署開建縣令能愛民阮芸臺制府令查珠江花舫
 故事凡查花舫者皆獲賂遺復旦悉不受作詩以詠
 珠江之勝歸呈阮公阮公目笑之曰君真長者復旦
 性慤直不媚上有大府使者過境不為投餐以是忤
 大府改官回籍歷任晉甯嵩明訓導所至以文名卒
 於任其故教將作歸計賦以抒懷云買宅天涯計已
 疎茫茫前路竟何如改官尚幸無微玷檢篋還欣有
 舊書萬里飄零夢遠千人慰藉土音殊澹懷吾自
 行吾素且整輕裝賦遂初其恬退如此

趙毓丹 字心田幼穎異有幹濟才中嘉慶戊辰恩
 科舉人由大挑知縣分發河南効用補江蘇蕭縣縣
 俗刁悍毓丹蒞任果決有為民皆悅服有盜魁劉大
 鵬案積如山歷任莫敢櫻者毓丹輕騎滅從猝抵其

家執之歸至王家集日暮投宿俄盜援四起集紳民
 詢平請曰盜黨甚衆今勢且急盍縱之以免蹂躪毓
 世曰虎就縛安可縱援至吾自禦之不汝等累也因
 大言曰奉憲檄拿首犯耳餘皆不問盜哄然散次日
 毓丹乃徐以大鵬歸治如律縣境肅清能吏之名由
 是大噪調沛縣開拖運河以勞績保薦同知直隸州
 歷署昆山儀徵等縣及揚州捕盜同知尋調補銅山
 縣縣當五省孔道民情健訟毓丹興利除弊不少憚
 煩林文忠公嘗語僚屬曰兩江良吏惟趙某一人耳
 以積勞成疾請假卸篆卒於館舍所任各邑咸思慕
 焉

寸聯級 字雲峯由吏員分發四川補用典史歷任
 羅江江津兩縣典史皆有政聲羅江俗多溺女聯級
 履任張榜嚴禁并捐廉籌款為立育嬰堂自是民間

生女不能養者官為代養無一溺者調補鹽源縣分
司阿所拉巡檢所管地方遼澗向例差役以千計每
票籤出輒羣往借勢脅索或不滿其欲反誣以歐打
公役因而激成巨案致有未堂訊而破產者聯級廉
得其實一一裁汰之治濱河每夏秋間居民病涉或
濟以小舟亦多覆溺之患聯級慨捐千金並命士商
量力捐助為造鐵索橋一道名同善橋縣人頌曰寸
青天以性剛不合於時以故歷官三十餘年仍居舊
秩嘗謁制府丁公丁公慰之曰聞汝名久矣惜汝官
太小若為道府當有可觀然要當量移汝一好缺耳
尋調瀘定橋巡檢力辭不赴卒於任年七十八靈柩
回籍日士民焚香路祭者不絕於道

丁彥 字碩甫邑諸生幼循謹七齡受書雅善屬
文尤工書法父耀楠官鎮標左營千總咸豐庚申六

月禦賊於化龍村力戰陣亡事詳忠烈本傳彥與弟
槐痛父死難誓滅賊草草營葬後即走投楊武愨王
科營武愨以彥書生於文事為優因命入戎幕贊畫
兼理文案事運籌磨盾兩能勝任愉快武愨倚重焉
先後從武愨克復大理順甯永昌各府廳州縣城池
錄功歷保至分省補用知府法越之役奉總督岑襄
勤毓英檄飭招集舊部聽調時弟槐以記名總兵奉
奏派統領定遠全軍規取越南彥亦奉調分統定遠
副字五營馳赴前敵助槐圍攻宣光鏖戰三十六晝
夜敵人怖懼稱為中國第一勁旅尋克復廣威不拔
等府縣正擬乘破竹勢前進而停戰旨下矣叙功以
道員分省加三級銜辛卯赴京引見籤分浙江抵省
先後委充官書局塘工局防軍善後局各總辦武備
學堂監督護軍超勇果勇等營統領出防乍浦澉浦

甲午丁酉兩科武闈提調監射署杭嘉湖道兼全省
海防營務處升署兩浙鹽運使在杭嘉湖道任內以
督修海鹽石塘率賓功賞加二品頂戴歷任各差缺
均著有政績尋以母老請養隸家居值藏番蠻觸構
爭蔓延滇邊當事者希圖邊功竟以變告大吏飭令
勦辦彥得悉其情屢電力為辨雪並請以百口為保
乃易勦為撫各屬銘感獻恩蔭五境額彥一生謹慎
一介不輕取與遇事必審慎周詳乃行鶴慶丁氏以
巨富著聞清季宦場重應酬應酬者賄賂之别名也
彥權運篆時浙撫為同鄉某公適奉寄諭命薦舉人
才一日遣人至彥所密語曰中丞都中適有急需以
鄉誼故擬託向滙號一為商借彥若為不解也者曰
當往商之翊日其人致語曰帥諭勿需矣後得知同
官某聞知即緘二萬金滙票以獻旋膺明保交軍機

處存記未幾即簡放川東道實缺蓋仕途密訣所謂
必能與之極而後能取也而彥顧不可人或以是為
彥病彥亦終無所悔云年七十一卒

劉 編 字煥奎由舉人任山西大寧縣知縣有惠
政及卸任縣民頌德曰愷澤覃敷

潘餘慶 字硯農光緒己丑舉人戊戌成進士歷任
直隸望都臨城二縣初令臨城邑中無賴以煤礦生
鬻請聚千餘人大府檄令率兵查辦餘慶廉得其情
單車往諭眾誓服隨解散去調望都蒞任首擒巨盜
頌聲大作膺保薦獎加同知銜辛丑辦大差賞賜大
卷紅袖袍料再調清訟局正委悉心研詢多所平反
以積勞致病尋卒年四十八著有寄農山房小草二
卷

右明四人讓朝十七人都二十一人

鶴慶縣志卷九之上終